

豫章叢書

第二冊

予自束髮卽喜學詩隨作隨棄初不留意也甲戌之
春家居卧病因復作詩若干首以自當緩憂之一物
昔人所謂內壹鬱外揚爲聲音者是也遂取曩時所
存而未棄者錄爲野處類藁二卷鄱陽容齋洪邁自
序

野處類藁卷上

朱 都陽洪 邁景盧 撰

秋日漫興二首

江潮久客日思家坐覺微霜上鬢華
節序又催秋後雁風光爭發雨前花
倦遊已夢莊生蝶不飲何憂廣
客蛇怪底朝來衣袖薄一川白露下蒹葭

一夕西風木葉飛畫梁落月淡餘輝
銀燈夜照還家夢金翦親裁寄遠衣
霜信早隨新雁至素書深訝故人稀
無因爲謝東曹掾鱸熟尊香莫便歸

庚戌正月十四日同友人丁晉年王蔚之謁魯

照塔

孤塔聳霄漢晴影金碧眩重來得寓目歸枕尾殘汴
緬懷何姓人哀禱傾淮甸是身如皎月有水着處現
彈指遍大千何止數鄉縣惟應因緣地聊爾共流轉
顛危悔勒馬善涉悟覓扇君看悔與悟只在一轉盼
至人獨何心示此禍福變當知夙緣定莫作邪道見
哀哉眾生愚積惡稔天譴云何一朝急賴此香火薦
我來適燈夕寶蠟明遠殿還指客眼塵重睹浮屠面
朝來塔上鈴告我風色便平淮一回首岸容失葱蒨

曉過吳縣

舟行有嚴程越國常曉發雙櫓兀殘夢起坐窺落月
人家岸埜水霧雨籠邃閣遙憐瑣窗人欹枕聽臥軋

陪餘杭張無偶先生飲

先生結屋在人境門巷蕭蕭作冰冷紛紛入眼不入
意坐客千言不相領叩關聞我倒屣迎重解舊榻塵
埃生向來妙處久不吐一挽天漢崑崙傾共說別來
經世事我言所向皆兒戲胸中硯礪不用澆便有清
愁說無地士林師範六一翁先生合在伯仲中願言
終賜指歸處爲君敬作曾南豐

於潛道中

山行厭輦確理策扶欹危綠野三兩家一息知可期
冉冉晴林端炊烟裊晴暉居民豐且樂恐是太古遺
邪知都邑間百索困鞭笞繁華今何有半作道旁贏
度芙蓉嶺

幽泉端爲誰放溜雜琴筑山深春未老泛泛浪蘆葦
娟娟菖蒲花可玩不可觸靈根盤翠崖老作蛙蚓窟
蹇裳踏下流濯此塵土足何當餌香節淨洗心眼肉
餘功到方書萬卷不再讀晚歲窮名山靈苗縱穿斷
菖蒲服之通神
令人聰明健記

信州禪月臺上

玉峯點寥廓霄漢疑可梯
玉水環城陰澹澹方拍隄
層臺擅二美吾策時一携
何當城我屐更欲照以犀
塵勞不相赦竟類窮途迷
吾生麋鹿爾不美駕輅曠
向來邱壑懷語發人所詆
長安黑頭公玉勒朝金閨
山林出戲言廣己無端倪
誰收遮日手歸把耕雨犁
紛紛塵土中等是舞雩雞
頗聞山水間幽子飯藿藜
行當踐此語絕境同攀躋

送渾師往妙香寺元住雲溪

道人捨幽居誰管溪上雲
此身白雲耳邊暇南北分
頗聞妙香山天花雨繽紛
宴坐丈室間歷亂舊衲紋

山前路悠悠山後水沄沄應觀川途客念我奔走勤
豈無香火緣他年往相尋飽食醵餚飯稀摘幽澗芹
當令枕花臺白社掩微曛

坐睡

坐久睡屢兀手失未了書清風脫然至心醒得我娛
起看過隙光了不移錙銖云何短夢中萬境生須臾
嗟彼市朝子百巧營其軀安知非夢役過眼滅無餘
至人有達觀那與世賢愚不須無言子同上崑崙墟

遊山光寺

寺藏兩山腹路轉百步陰登高試病腳掬冷清煩襟

敗壁龕山刻歲月不可尋惟應查公石俯仰閱古今
屋古園枝挂摧頽力難任何當咄嗟辦嗣彼鐘梵音
興衰豈關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情
君家武夸下歸路塵眼明我生愛山者夢寐秀色橫
秋風送客去把手更心傾爾逢山中人爲我寄此聲

贈覺師

覺師儒門秀脫屣世故早那知軒冕味夙悟心已槁
惟餘章句習心境時相惱如人生於齊而卽楚鄉老

雖遭楚人咻微音或清好固無益生死亦未妨至道
家山亦何有飢饉衣間舊叢林選佛場一擲想盆倒
云何慰故居俛仰待華皓他年空手歸子語吾爲老
幸分曹溪水萬劫付一澡

休寧村落間有奇石如彈子渦所出宜養石菖
蒲程德藻許以餽我以詩督之

君家綠溪上岸曲溪成渦渦間石無數水蹙相蕩磨
誰嘗掬而戲一一印指螺我欲往取之擁此菖蒲窠
石罌注新汲幽姿發清哦夫子許餉我往督書已多
願言速寄與起此泉石疴

效淵明

人生本無事況我麋鹿姿一墮世網中永與林壑辭
此行獨何事豈不爲寒餓弱歲慕古人頗覺世好卑
那知齒髮邁終然此心違春風到山澤魚鳥亦知時
我行何日休流目瞻長歧且用陶翁言一觴聊可揮

酬馮退翁見示之什

我家大江左江水日夜東遙瞻發源處乃在西南窮
相望邈異境正北一水通故令我與子迹遠心自同
我生寡所諧強顏紅塵中倦飛矯歸翮饑吟咽寒蛩
獨欣得吾子萬慮一笑空時時出秀句醒我如松風

當知山澤臞不鄙西角豐彈冠實伊始此生各飛蓬
卜鄰固未必卽事聊從容

戲答胡汝能

吾生苦中狹與世枘鑿乖平生素心人耿耿不滿懷
汝能伯始後遊世如嬰孩相逢握手語便作墳簞諾
時時笑謂我如子患未涯執古以觀今求合誠難哉
涉世幸未遠子車尙可回我介足怨忌君通絕嫌猜
不見山巨源雍容居鼎白不見稽中散絕交自可哀
賢愚心自了短韻共一哈

謁吳公路許借論衡復留一日戲作

幽獨不自得，言款齋廬殷。動主人情，投轄恣回車。
轄亦不須投，此去將焉如。惟憂酒錢盡，使吾詩腸枯。
會合曾幾何，可復自作疎。更當留一夕，帳中搜異書。

新秋

幽人無與娛，耳冷百不聞。新米熟未知，但覺市酒醇。
滄洲散秋色，山水逾清新。一醉不忍獨，念我存故人。

道中得雨

吾行田野間，吁嗟連數村。千山收宿雨，猶作黃梅渾。
漸看風葉底，一洗龜坼痕。餘功被行客，稍壓早塵昏。

道中

驕陽久自殺一雨蕩驅垢田夫夢亦好翻龍已幽咽
朝來喜相告一飽心已決翻翻風葉亂嫋嫋露芒茁
去年禾欲秀積潦滿秋澤今年豈堪旱束手就溝壑
我生拙謀口藜藿甘如蜜向來真過計憂民豈吾職
赤子天可憐嗟人獨何力何須事兒戲合沓來賀客
稍欣新稻熟社酒行可覓當同扶路翁醉歸舞南陌

□□

前年溪上秋風時主人酒熟烹黃雞歸來醉倒睡便
著父老喚起牛羊蹊此生一醉寧易得未辨身爲貴
人客征西將軍爾何人那用尊前驚墮幘竭來聞越

再經秋闕道軒名
涎已流懸知得酒
推不去此客有
轄何須投今我正
爲奔走役空想題
詩滿高壁若逢
落魄姓回人爲問
何時定相覓

書窗對月

天公自厭雨一夕
開寒晴霜風淨曠
野鴻落有餘聲
饑鴉得林靜霽月
榮窗生熨開睡眼
色一洗空花橫
故人千里餘壺酒
誰與傾遙知勸影
杯共此通夕情
今冬有奇事三見
飛玉英明年溪上
路誰餉雨中耕

宿野人家

夢裏滄波搖一葉
覺來正受肩輿人
家一宿晚可

投新席橋梧香更滑霜前穉穉收百畝稚子新能牧
鷺鴨我生本是箇中人挾策久矣猶能說

度石棟嶺

我行欲安適策馬踰山樊谷深不可瞬危磴爭獐猿
坡陀兩山間寂歷三家村茅檐青裙婦蓬髮薪烟昏
敲冷那可飲分我一掬溫郎樵晚未歸客至不與言
不逢沙頭卮肯投柳下門作詩配國風行者式其藩
用退之韻賦新霽

春泥窘幽步苔上屐痕少新晴一褰衣綠葉藏啼鳥
方塘澹宿漲古鏡窺清曉華顛忽自笑綵羽墮驚矯

瞻言雲中耕縹緲穹脊繞歸把東皋犁此念何日了
送金確然歸弋陽

昔我雲溪居送子雲溪濱重來問何如笑指溪上雲
一別四周星坐此世故紛衰顏兩非昔華髮粲可耘
我纏風樹悲終日無一欣子乃菽水憂尙此奔走勤
對牀語未終懸知便離分霜風吹客袂別意如絲棼
子歸葛陂上去路接鄉枌歸夢尙隨子何當嘆離羣

至節日建州會詹士元

嗟予身百憂佳節過佳節客愁隨幾增歸思與灰動
當年從子日未覺百慮重高堂遠牀呼一擲有餘勇